

Broj: 02D-1848-3/24  
Datum: 04.03.2024. godine

Na osnovu odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), člana 27. Statuta Javne ustanove Opća bolnica „Prim. dr. Abdulah Nakaš“ i Druge ispravke preporuke Komisije o izboru najpovoljnijeg ponuđača za LOT 3, broj 02D-1848-2/24 od 28.02.2024.godine u postupku javne nabavke – Hirurški, šivaći materijal i ostalo, **JN 27/23**, direktor Javne ustanove Opća Bolnica „Prim.dr. Abdulah Nakaš“ donio je :

**ODLUKU**  
**o izboru najpovoljnijeg ponuđača**

**Član 1.**

Prihvata se Druga ispravka preporuke Komisije o izboru najpovoljnijeg ponuđača za LOT 3, u postupku javne nabavke – Hirurški, šivaći materijal i ostalo broj 02D-1848-2/24 od 28.02.2024.godine, te se Okvirni sporazum za javnu nabavku roba – Hirurški, šivaći materijal i ostalo, LOT 3 – Sterilni operativni materijal dodjeljuje se ponuđaču **SHIMADZU d.o.o. Sarajevo**, ponuda broj 29/23 dostavljena dana 07.08.2023. godine, kao jedinom prihvatljivom ponuđaču, u iznosu od 179.870,00 KM bez uračunatog PDV-a, odnosno 210.447,90 KM sa uračunatim PDV-om na dvogodišnjem nivou.

**Član 2.**

Postupak iz člana 1. ove Odluke proveden je metodom „otvoreni postupak“, te je nakon otvaranja ponuda provedena „E-aukcija“ za pojedine lotove, a za izbor najpovoljnijeg ponuđača korišten je kriterij „najniža cijena“.

**Član 3.**

U postupku nabavke iz člana 1. ove Odluke zaprimljena je 1 (jedna) kvalifikovana ponuda ponuđača i to:

- **LOT 3 – Sterilni operativni materijal**
  1. **SHIMADZU d.o.o. Sarajevo**, sa cijenom ponude u iznosu od 179.870,00 KM bez uračunatog PDV-a.

U postupku nabavke iz člana 1. ove Odluke zaprimljene su 2 (dvije) nekvalifikovane ponude ponuđača i to: ADRIALINE d.o.o. Banja Luka i GLOBEX d.o.o. Zenica

**Član 4.**

Izabrani ponuđač: **SHIMADZU d.o.o. Sarajevo** dužan je dostaviti originale ili ovjerene kopije dokumentacije iz člana 45. i 47. Zakona o javnim nabavkama u roku od pet dana od dana prijema Odluke o izboru na protokol Bolnice, obzirom da iste nije dostavio uz ponudu.

#### **Član 5.**

Prijedlog okvirnog sporazuma dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

#### **Član 6.**

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 70. stav (6) Zakona o javnim nabavkama.

#### **Član 7.**

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama. Stupanjem na snagu ove Odluke stavlja se van snage Ispravka preporuke o izboru najpovoljnijeg ponuđača broj\_23-5766-46/23 od 09.11.2023. godine.

#### **Obrazloženje**

Postupak javne nabavke pokrenut je Odlukom o pokretanju postupka javne nabavke, broj: 23-5766-1/23 od 23.05.2023. godine. Nabavka je sprovedena putem otvorenog postupka, tender broj JN-27/23.

Ukupna procijenjena vrijednost nabavke je: 600.000,00 KM bez uračunatog PDV-a na dvogodišnjem nivou, a za LOT 3 - Sterilni operativni materijal 180.000,00 KM bez uračunatog PDV-a na dvogodišnjem nivou.

Obavještenje o nabavci, broj: 1125-1-1-157-3-118/23, objavljeno je na Portalu javnih nabavki dana 15.06.2023. godine. Sažetak Obavještenja o nabavci objavljen je u Službenom Glasniku BiH, broj: 43/23 od 16.06.2023. godine.

Komisija za nabavku, imenovana je Rješenjem, broj: 23-5766-4/23 od 05.06.2023. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Drugu ispravku Zapisnia o pregledu i ocjeni ponuda, broj: 02D-1848-1/24 od 28.02.2024. godine, Drugu ispravku Preporuke o izboru najpovoljnijeg ponuđača za LOT 3 broj 02D-1848-2/24 od 28.02.2024.godine, u postupku javne nabavke – Hirurški, šivaći materijal i ostalo.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene 3 ponude,
- da su blagovremeno zaprimljene 3 ponude,
- da nije bilo neblagovremeno zaprimljenih ponuda,

- Da je ponuda ponuđača **SHIMADZU d.o.o. Sarajevo jedina kvalifikovana i prihvatljiva** za LOT 3, te ispunjava sve tražene uslove u pogledu opisa predmeta nabavke i tehničkih specifikacija, pa je ista uzeta u dalje razmatranje.

- Da je ponuda ponuđača **GLOBEX d.o.o. Zenica nekvalifikovana i neprihvatljiva** za LOT 3 i to iz razloga kako slijedi :

Na osnovu Rješenja Ureda za razmatranje žalbi BiH, Filijala Mostar, broj JN2-03-07-1-3889-8/23 od 01.02.2024.godine usvojena je žalba ponuđača SHIMADZU d.o.o. Sarajevo.

Ponuđača GLOBEX d.o.o. Zenica je za stavku 7. Lota 3 ponudio prekrivku za sto dimenzije 150x180 cm, a što ne odgovara propisanim uslovima iz tehničke specifikacije, gdje je tražena prekrivka za sto dimenzije 150x190 cm uz dozvoljeno odstupanje +/- 5%.

Također ponuđač GLOBEX d.o.o. Zenica je u Aneksu 2 - Obrascu za cijenu ponude, u rubrici kataloški broj za stavku 7. Lota 3, na stranici 109 ponude naveo kataloški broj 33801 za RD Smart Universal set, dok je za istu stavku dostavio katalog u okviru kojeg je na stranici 263 ponude ponudio prekrivku za sto dimenzije 150-180 cm i to za kataloški broj 3308.

U skladu sa navedenim odbačena je ponuda ponuđača GLOBEX d.o.o. Zenica kao nepravilna na osnovu člana 68. stav 4) tačka i) Zakona o javnim nabavkama („Službeni glasnik BiH“ broj 39/14 i 59/22), jer nije u skladu sa tenderskom dokumentacijom.

- Da je ponuda ponuđača **ADRIALINE d.o.o. Banja Luka neprihvatljiva** za LOT 3 i to iz razloga kako slijedi :

Ponuđač ADRIALINE d.o.o. Banja Luka za LOT 3 u svojoj ponudi dostavio je Potvrdu Agencije za lijekove i medicinska sredstva sa tabelarnim prikazom kataloških brojeva u kojoj je vidljivo da u istoj nisu upisani kataloški brojevi za sve stavke na koje se Potvrda odnosi, a kako je traženo tačkom c) pod 4. Tenderske dokumentacije. Nedostaje kataloški broj za stavku 7. Obrasca za cijenu ponude – Aneks 2. Nadalje, ponuđač je za stavku 5. Obrasca za cijenu ponude ponudio običnu prekrivku sa otvorom, a ne vertikalnu kako je to zahtjevano u Aneksu 2. na strani 39. tenderske dokumentacije. Imajući u vidu naprijed navedeno, odbacuje se ponuda ponuđača ADRIALINE d.o.o. Banja Luka kao nepravilna na osnovu člana 68. stav 4) tačka i) Zakona o javnim nabavkama („Službeni glasnik BiH“ broj 39/14 i 59/22), jer nije u skladu sa tenderskom dokumentacijom.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije. U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.



**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: **Javne ustanove Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.** Žalba se podnosi u najmanje 3 (tri) primjerka.

Pripremila:

Emina Turković, dipl. Iur.

Stručni saradnik za javne nabavke




Kontrolisala:

Amira Petrović, BA općeg prava,  
šef Odsjeka za javne nabavke



**DIREKTOR**  
Prof. dr. Ismet Gavrankapetanović



**Dostaviti:**

- ADRIALINE d.o.o. Banja Luka, Ilije Garašanina bb, 78000 Banja Luka
- GLOBEX d.o.o. Zenica, Dobrovoljnih darivalaca krvi 4, 72000 Zenica
- SHIMADZU d.o.o. Sarajevo, Pijačna 14 A1, 71000 Sarajevo
- Odjeljenje za ekonomsko – finansijske poslove
- Odsjek za javne nabavke
- Bolnička apoteka